

СУРГАЛТЫН ГЭРЭЭ

2026 оны **#month** сарын **#day**-ний өдөр
Улаанбаатар хот

№ JN202606-**#contact_name**

Энэхүү “Асран хамгаалагчтай байгуулах гэрээ” (цаашид “Гэрээ” гэх)-г Монгол Улсын Иргэний хууль, Хувь хүний нууцын тухай хууль болон бусад холбогдох хууль тогтоомжийг үндэслэн,

Нэг талаас Монгол Улс, Улаанбаатар хот, Сүхбаатар дүүрэг, 1-р хороо, Олимпын гудамж, Ай Ти Си Товер Оффис, 11 давхар хаягт байрлах, 7079817 регистрийн дугаартай “Хиймэл оюун ухааны хаб” ХХК /РД: 7079817/ (цаашид “AI академи” гэх),

Нөгөө талаас суралцагч **#last_name** овогтой **#first_name** /РД: **#register** / (цаашид “Суралцагч” гэх)-г төлөөлж суралцагчийн **#g_relation** болох **#address_detail** хаягт байрлах **#g_last_name** овогтой /РД: **#g_register**/ (цаашид “Суралцагчийн хууль ёсны төлөөлөгч” гэх) мөн (цаашид “AI академи” болон “Суралцагчийн хууль ёсны төлөөлөгч”-ийг хамтад нь “Талууд” гэх) нар нь суралцагчид энэхүү гэрээгээр хүлээх үүрэг, хариуцлага, сургалтын дотоод журмыг урьдчилан танилцуулж, бүрэн ойлгуулсан болохыг харилцан нотолж, сайн дурын үндсэн дээр өөрсдийн хүсэл зоригийг илэрхийлэн, аль нэг талын дарамт шахалтгүйгээр харилцан тохиролцож дор дурдсан нөхцөлийг байгуулав.

1. Нийтлэг үндэслэл

- 1.1. Энэхүү Гэрээний зорилго нь “AI академи”-аас боловсруулсан сургалтын хөтөлбөр, агуулга, арга зүй, хичээллэх хуваарийн дагуу суралцагчид хиймэл оюун ухаан, түүний хэрэглээний талаар мэдлэг олгох сургалтыг зохион байгуулах, мөн сургалтын төлбөрийн нөхцөл түүнтэй хамааралтай харилцааг зохицуулж, уг харилцаанд талуудын эрх, үүрэг, хариуцлагыг тодорхойлоход оршино.
- 1.2. Энэхүү гэрээнд тусгагдаагүй бусад асуудлыг Монгол Улсын Иргэний хууль болон холбогдох бусад хууль тогтоомжоор зохицуулна.

2. Гэрээний нөхцөл

- 2.1. Суралцагч, суралцагчийн хууль ёсны төлөөлөгч болон AI академи нь дор дурдсан зүйлийг харилцан тохиролцов. Үүнд:
 - 2.1.1. Хамрагдах хөтөлбөр: **<COVERAGE_PROGRAM>**
 - 2.1.2. Үргэлжлэх хугацаа: Нийт 11 удаагийн хичээл, 44 академик цаг
 - 2.1.3. Хичээлийн хэлбэр: Танхим

- 2.2. Хичээлийн хуваарьт өдөр нь нийтээр тэмдэглэх баяр болон тэмдэглэлт өдрүүдтэй давхацсан тохиолдолд тухайн давхацсан өдрийн хуваарьт хичээлийг нөхөж орохоор зохион байгуулна.
- 2.3. Сургалтын төлбөр нь нийт 3'560'000₮ (гурван сая таван зуун жаран мянган төгрөг) ба НӨАТ багтсан дүн байна.
- 2.4. Сургалтын төлбөрийг дараах хүснэгтийн дагуу төлнө.

Нийт сургалтын төлбөр (MNT/USD):	3'560'000₮ (гурван сая таван зуун жаран мянган төгрөг)
Хөнгөлөлтийн хувь:	#discount
Урьдчилгаа төлбөр:	#advance
Үлдэгдэл төлбөр:	#balance
Үлдэгдэл төлбөр төлөх сүүлийн хугацаа:	#final_payment_date -ны дотор төлбөрийг бүрэн төлөх

- 2.5. Сургалтын төлбөрийг гэрээ байгуулсан өдөр “Хиймэл оюун ухааны ХАБ” ХХК-ийн харилцах дансанд шилжүүлнэ.
Банкны нэр: Голомт банк
Дансны дугаар: MN930015003005201198
Гүйлгээний утга: Овог, нэр, утасны дугаар, Summer10-13 гэсэн мэдээллийг тусгана.
- 2.6. Суралцагч эсвэл суралцагчийн хууль ёсны төлөөлөгч өөрсдийн хүсэлт болон хүндэтгэн үзэх шалтгааны улмаас сургалтад үргэлжлүүлэн хамрагдах боломжгүй болсон тохиолдолд байгууллагын бодитоор гарсан үйл ажиллагааны зардал, банкны шимтгэл, НӨАТ болон сургалтын бэлтгэлтэй холбоотой зардлыг суутган үлдэгдэл төлбөрийг дараах нөхцөлийн дагуу буцаан олгоно. Үүнд:
 - 2.6.1. Сургалт эхлэхээс өмнө 7 ба түүнээс дээш хоногийн өмнө цуцалсан бол 90 хувийг;
 - 2.6.2. Сургалт эхлэхээс 1-6 хоногийн өмнө цуцалсан тохиолдолд 70 хувийг;
 - 2.6.3. Сургалт эхэлсний дараа нийт хичээлийн 20%-аас бага хугацаанд хамрагдсан бол 50 хувийг;
 - 2.6.4. Сургалтын 20%-аас дээш хугацаанд хамрагдсан бол төлбөр буцаахгүй.
- 2.7. Суралцагч нь хичээлээс чөлөө авсан, тасалсан зэрэг өөрийн сурах үүргээ ухамсарлаагүй нөхцөл байдал нь

сургалтын төлбөрөөс чөлөөлөгдөх, буцаан авах үндэслэл болохгүй.

- 2.8. Гэрээг AI академийн буруутай үйлдэл (*сургалт зохион байгуулаагүй, чанарын баталгаа хангаагүй*)-ээс болж цуцалсан тохиолдолд үлдсэн хугацааны төлбөрийг хувь тэнцүүлэн буцаана.
- 2.9. Давагдашгүй хүчин зүйлийн улмаас гэрээ цуцлагдсан тохиолдолд зохион байгуулагдаагүй хичээлийн төлбөрийг хувь тэнцүүлэн буцаана.

3. Талуудын эрх үүрэг

- 3.1. Талууд дор дурдсан эрх, үүргийг хэрэгжүүлэх ба энэхүү гэрээнд өөрөөр заагаагүй бол хуульд заасан бусад эрх, үүргийг мөрдөнө.
- 3.2. Суралцагчийн хууль ёсны төлөөлөгч нь дараах эрхтэй байна. Үүнд:
- 3.2.1. Сургалтыг танилцуулсан агуулга, хөтөлбөр, арга зүйн хүрээнд чанартай явуулахыг шаардах;
- 3.2.2. Суралцагчийг суралцах тухтай орчин нөхцөл, анги танхим, сургалтын хэрэглэгдэхүүнээр хангуулахыг шаардах;
- 3.2.3. Сургалтын явцад суралцагчийн өмнөөс үндэслэл бүхий шалтгаанаар 2 удаа хүртэл хичээлийн чөлөө авах хүсэлт гаргах;
- 3.2.4. Сургалтын чанартай холбоотой асуудлаар санал, хүсэлт гаргах;
- 3.3. Суралцагчийн хууль ёсны төлөөлөгч нь дараах үүрэгтэй байна. Үүнд:
- 3.3.1. AI академийн удирдлага, багш, ажилтнуудыг хүндэтгэж, зөв боловсон харьцах, аливаа хэлбэрээр дарамт шахалт үзүүлэхгүй байх;
- 3.3.2. Сургалтын хөтөлбөр, агуулга, хичээлийн хуваарь болон AI академиас тогтоосон дагаж мөрдөх дотоод журамтай бүрэн танилцсан байх бөгөөд суралцагчаар уг журмыг чандлан сахиулах;
- 3.3.3. AI академийн дагаж мөрдөх дүрэм журмыг чандлан сахиулах;
- 3.3.4. Суралцагчийг сургалтын хөтөлбөрийн хуваарийн дагуу хичээлдээ хоцролгүй, бүрэн хамрагдах нөхцөл боломжийг бүрдүүлж, хяналт тавих;
- 3.3.5. AI академи болон багш, ажилчдаас суралцагчийн сурлага, сахилга баттай холбоотой тавьсан зүй ёсны шаардлагыг биелүүлэх;
- 3.3.6. Суралцагчийн сургалтын төлбөрийг гэрээнд заасан хугацаанд бүрэн төлөх;
- 3.3.7. Суралцагчид суралцах хугацаандаа ашиглаж буй компьютер, техник, тоног төхөөрөмж, ширээ, сандал болон бусад эд зүйлсийг

зохистой, гамтай ашиглах талаар зааварчилж, ухамсарлуулах;

- 3.3.8. Гэрээний 3.2.6-д заасан аливаа хөрөнгөнд суралцагч гэмтэл учруулсан, ашиглах боломжгүй болгосон тохиолдолд учирсан бодит хохирлыг AI академид бүрэн төлж барагдуулах;
- 3.3.9. Суралцагч хичээл тасалсан, хоцорсон, хамрагдаж чадаагүй болон өөрөөс нь шалтгаалсан идэвх санаачилгагүйн улмаас үүдэн гарах сургалтын чанарын сөрөг үр дагаврыг хууль ёсны төлөөлөгч бүрэн хариуцах;
- 3.3.10. Суралцагч өөрийн хичээл зүтгэл, идэвх санаачилгагүй байдлаас шалтгаалан сургалтаас хүссэн үр дүндээ хүрч чадаагүй тохиолдолд түүнтэй холбоотой үр дагаврыг өөрөө хариуцах;
- 3.4. AI академи дараах эрхтэй байна. Үүнд:
- 3.4.1. AI академийн дүрэм журмыг дагаж мөрдөхийг суралцагчаас шаардах;
- 3.4.2. Сургалтын хөтөлбөрийн дагуу хичээлдээ идэвхтэй оролцох, гэрийн даалгавар болон нэмэлт дасгал ажлуудыг тухай бүр хийж гүйцэтгэхийг шаардах;
- 3.4.3. Сургалтын төлбөрийг хугацаандаа төлөхийг шаардах;
- 3.4.4. Энэхүү гэрээний 2.3, 2.4-т заасны дагуу сургалтын төлбөрөө төлөөгүй тохиолдолд хичээлд үргэлжлүүлэн хамруулахаас татгалзах;
- 3.4.5. Суралцагч нь бусад хүүхдийн хүмүүжилд сөргөөр нөлөөлөх сахилга бат, ёс суртахууны зөрчил гаргасан, бусад хүүхдийн бие махбодь, сэтгэл санаанд хохирол учруулсан, гэмт хэрэг үйлдсэн нь тогтоогдсон бол сургуулиас чөлөөлөх;
- 3.5. AI академи дараах үүрэгтэй байна. Үүнд:
- 3.5.1. Сургалтын хөтөлбөрийг хэрэгжүүлэхдээ мэргэжлийн ёс зүйг эрхэмлэн, салбартаа манлайлагч, чадварлаг, туршлагатай багш нарын заах арга зүйгээр чанартай хүртээмжтэй зохион байгуулах;
- 3.5.2. Сургалтыг онол болон практик мэдлэгийг хослуулах хэлбэрээр боловсруулсан хөтөлбөр, төлөвлөгөө болон хичээллэх цагийн хуваарийн дагуу хэрэгжүүлнэ.
- 3.5.3. Сургалтын явцад суралцагчийн сургалтын гүйцэтгэл, үр дүн хангалтгүй байгаа тохиолдолд зохих шаардлагыг тавих, чиглүүлэх;
- 3.5.4. Сургалтад бүрэн хамрагдсан суралцагчдад тухайн хөтөлбөрийн сертификатыг олгох;

4. Мэдээллийн нууцлал, оюуны өмч

- 4.1. Талууд Гэрээ байгуулснаар олж авсан нөгөө талынхаа бизнесийн болон хүний хувийн мэдээллийн нууцлалыг хадгалах, хамгаалах, шууд бусаар гуравдагч этгээдэд задруулахгүй байх үүрэгтэй.
- 4.2. Суралцагч болон хууль ёсны төлөөлөгч нь сургалтад хамрагдах хугацаанд AI академиас өгсөн сургалтын хөтөлбөр, ашиглагдсан материал, гарын авлага, ном, сурах бичиг, видео хичээл, контент зэрэг нийтэд ил болгоогүй мэдээллийг гадагш задруулахгүй байх үүргийг хүлээнэ.
- 4.3. Энэхүү гэрээний 4.1-т заасан мэдээллийг нууцыг санаатай болон санамсаргүй байдлаар задруулсан тохиолдолд холбогдох хуульд заасны дагуу шийдвэрлүүлнэ.

5. Гэрээ цуцлах, дуусгавар болгох

- 5.1. Сургалтын гэрээ нь дараах үндэслэлээр дуусгавар болно. Үүнд:
 - 5.1.1. Энэхүү гэрээнд заасан нөхцөл бүрэн биелэгдсэнээр;
 - 5.1.2. Талууд харилцан тохиролцсоны үндсэн дээр гэрээ дуусгавар болж болно.
- 5.2. AI академи нь дараах үндэслэлээр гэрээг хугацаанаас нь өмнө цуцална.
 - 5.2.1. Суралцагч нь AI академийн мөрдөх дүрэм журмыг дагаж мөрдөөгүй болон гэрээгээр хүлээсэн үүргээ удаа дараа зөрчсөн;
 - 5.2.2. Суралцагч нь 4 удаагийн хичээл ба түүнээс дээш хугацаагаар хүндэтгэн үзэх шалтгаангүйгээр хичээлд хамрагдаагүй.
 - 5.2.3. Суралцагчийн хууль ёсны төлөөлөгч нь төлбөр төлөх үүргээ ажлын 3-аас дээш хоногоор хугацаа хэтрүүлсэн тохиолдолд;
 - 5.2.4. Давагдашгүй хүчний шинжтэй нөхцөл байдал (дайн, үймээн самуун, зэвсэгт мөргөлдөөн, нийтийг хамарсан эмх замбараагүй байдал, хүчтэй цасан болон шороон шуурга, гал түймэр, газар хөдлөлт, үер, ажил хаялт, төр захиргааны байгууллагын хориг, бусад) үүссэний улмаас гэрээний нөхцөл биелээгүй,

давагдашгүй хүчин зүйлийн нөлөөлөл 14 хоногоос дээш хугацаагаар үргэлжилсэн тохиолдолд AI академи нэг талын санаачилгаар дуусгавар болгох эрхтэй. Давагдашгүй хүчин зүйлийн нөлөөлөлд өртсөн гэдгийг холбогдох эрх бүхий байгууллагаас олгосон гэрчилгээг үндэслэж тогтооно.

- 5.3. Энэхүү гэрээний 5.2.1, 5.2.2-т заасан нөхцөл байдлын улмаас гэрээг цуцалсан тохиолдолд нийт хичээлийн 20%-аас бага хугацаанд хамрагдсан сурагчийн сургалтын төлбөрийн 50 хувийг буцаан олгох ба 20%-аас дээш хугацаанд хамрагдсан бол төлбөр буцаахгүй.

6. Маргаан шийдвэрлэх

- 6.1. Гэрээг хэрэгжүүлэх, Гэрээгээр зохицуулсан харилцаатай холбоотой аливаа маргааныг Талууд нэн тэргүүнд эвийн журмаар шийдвэрлэнэ.
- 6.2. Хэрэв Гэрээний 6.1 дэх хэсэгт заасны дагуу хэлэлцээрийн журмаар шийдвэрлэж чадахгүй бол маргаанаа Монгол Улсын холбогдох хууль тогтоомжийн дагуу Шүүхийн журмаар шийдвэрлүүлнэ.

7. Бусад зүйл

- 7.1. Гэрээ нь Талууд гарын үсэг зурж (Хуулийн этгээдийн хувьд тамга дарж) баталгаажуулснаар хүчин төгөлдөр болно.
- 7.2. Гэрээг 2 эх хувь үйлдэх бөгөөд хувь тус бүр хуулийн адил хүчин төгөлдөр байна.
- 7.3. Аль нэг тал Гэрээнд нэмэлт, өөрчлөлт оруулах болон цуцлах тохиолдолд нөгөө талдаа 7 хоногийн өмнө бичгээр мэдэгдэнэ.
- 7.4. Гэрээнд нэмэлт, өөрчлөлт оруулах тохиолдолд зөвхөн бичгээр үйлдэж, талуудыг төлөөлөх эрх бүхий этгээд гарын үсэг зурж, баталгаажуулснаар хүчин төгөлдөр болно.
- 7.5. Суралцагчийн хууль ёсны төлөөлөгч нь AI академиас бичгийн хэлбэрээр зөвшөөрөл аваагүй тохиолдолд Гэрээгээр хүлээсэн эрх, үүргээ ямарваа нэгэн хэлбэрээр гуравдагч этгээдэд шилжүүлэхийг хориглоно.

ГЭРЭЭ БАЙГУУЛСАН:

“Хиймэл оюун ухааны хаб” ХХК-ийг төлөөлж
Гүйцэтгэх захирал:
Б.Болор-Эрдэнэ




Суралцагчийн хууль ёсны төлөөлөгч:

#g_last_name овогтой #g_first_name

/РД: #g_register /

Утас: #phone

И-мэйл: #email

#signature